

НОЯБРЬ

20-це шистонза 1940 кизоня

128 (1780) №

ПИТНЕЦ 5 тр.



Комсомолю ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ЛИСЕНДИ

8-це КИЗОСЬ

Адрессь: г. Саранск,
Советская ул., Дом печати.

Жуватань водямать вишкотема комсомолецнень задачасна

Большевистский партийный XVIII-це съезд социалистический жуватань водямать вишкотема колга Сталинский 3-це пятилетка пингста арьсесь лама конкретнай задачат. Жуватань поголовиясь должен касфтовомс: алашань водямаса—35 процентс, сюрю жуватань водямаса—40 процентс, тувонь поголовиясь касфтомаса—100 процентс, учань и казань поголовиясь—110 процентс и стак тов. Ня задачатнень ули кода пашкодемс, кда жуватань водяматевти ули шарффт серьезнай мяль сембе колхознай общественность ширде.

„Колхознень эса общественной жуватань водямать вишкотема колга“ СССР-нь Совнаркомъ и ВКП(б)-нь ЦК-ть постановления дост меле, Мордовиянь колхознай жуватань ферматнень укомплектованияса сатф лама тьожатть жувата. Ферматне кассть аф аныцек поголовиянь лувкс коря, но и пях кассть качествань ширдегенге. Однако эряви азомс, што нят сатфксне нинге аф корхтайхть сянь колга, што жуватань водяматгосударственной планць пашкоткшневифкакс сембе вастова. А тяста лисенди, што сембе колхозникенди и сембода пях, комсомолецненди эряви сембе виень пуроптозь лездомс молодняк жуватань счета общеколхознай жуватань ферматнень укомплектованиясонды.

Тяниень пингть ащи фкя инь важнейшая задачкас тялоти анокламась. Тя задачат пашкодемац обязадакшнесыне аф аныцек сят колхозникнень, конат работайхть непосредственна жуватань ферматнень эса, но и сембе колхозникне, комсомолецне и колхознай руководствась должетт улемс заинтересованнайхть и эсь пингова проверямс, кода ащицхть жуватань помещениатне, кода йотаффт отоплениань мероприятияне, сатомшка ли аноклаф кормовой базада. Сембе тя эряви сяс, штоба афолхть лисе йотай кизонь эльбятксне. Йотай кизоня тялоти беспечнайста анокламок, Кадошкинань, Ковылкинань, Ардатовань, Мельцанонь и лама иля райоттнень эсативествь молодняконь оцю имафкт.

Однако, выставкань участникне и жуватань водяматевса башка

передовикне Мордовияса, няфнесазь, што тоса, коса ломаттне кельгозь якайхть жувататнень мельге ферматнень эса—успехне оцюфт. Вов, например, Молотовть лемса колхозса (Лямбирский район), мекольдень 2 кизотнень пингста ашезь урада жуватань фкявок молодняк, ашель урмань появань фкявок случай и жуватань водямат планць молоднякс коря в среднем пашкотф 97 процентс. Инь оцю заслугац тяса колхознай ветфельдшерт комсомолецт И. Д. Чернышевть. Чернышев ялгась тяни ащи 1941-це кизоня ВСХВ-в участниконда кандидатокс.

Большевистский работань образец няфни 1939-це кизоня ВСХВ-са участницась и 1941-це кизоня ВСХВ-нь участникокс кандидатс Чадайкина комсомолкась. Сон Куйбышевть лемса колхозса (З. Полянень район) 1938-це кизоста сявомок 1940-це кизоти модемс ванфгсь 23 /вашеня и сембе выше-средняй упитанностьот.

Тядень кизоня улихть сембе условиятне жуватань молоднякнень педа-пес ванфтомасонды. Колхознай и совхознай комсомольский организациятнень задачасна—кярьмодемс сяда активнайста тяди и вятемс образцовай уход жуватань молоднякть мельге. Тя решандасы плантьт успех мархта пашкодеманц. Лучшая комсомолецнень и комсомолкатнень кучемс жуватань ферматненди, конат эсь эрь шинь работасост должетт улемс примеркс сембе колхозникнень няголе.

Комсомолецнень и комсомолкатнень, а станежа аф союзнай од ломаттнень йоткса, конат работайхть жуватань водяматевса, вишкотема зоотехнический и ветеринарный тевть тонафнеманц. Штоба сивь содалезь хоть элементарнай правилатнень жуватань молоднякть мельге якамаса.

Жуватань водяматевса работай колхозникенди и колхозницатненди, комсомолецненди эряви тюремс 1941-це кизоня ВСХВ-са участвовадань правать инкса.

Жуватань молоднякть ванфтомац ащи почетнай обяваностекс велень эрь комсомолецти и комсомолкати.

АКТИВНАЙ ОБЩЕСТВЕННИК

Агитатор валсь—сембонди кельгови вал. Правдива каннемс народти большевистский валть—тя оцю и почетнай тев. Именнайф-та ваны агитаторонь тевть лангс Бакаев Иван Поликарпович ялгась. 1929-це кизоста сявомок Бакаев ялгась работай Акшу велень исполкомса секретарькс. Тя пингть эзда сон велеса бесменнай агитатор.

Тяни, улемок вельсоветонь депутаткс, Бакаев ялгась нинге сядонга вишкотема колхозникнень йоткса агитационно-массовой работать. Особенна оцю работа сон яти вельсоветть сессиянзон решениясьон пашкодемасон коряс. Сембе занятиязна и беседазза сон йотнихть велень эряфть кепотьксонзон коряс. Аф кунара вельсоветонь сессиясь лихтсь постановлениа велеса вазвянь

контрактациять колга. Бакаев ялгась тя решениять коряс йотафтсь лама беседа, конкретнай примерса няфнезе тя мероприятиять пях оцю хозяйственной значенияц. Тяни колхозсь рамась 20 вазня.

Тяда башка Иван Поликарпович цебарь работник колхозса. Сон эрь свободнай минутанц использоватьдакшнесы колхознай тевса. Розень урядамста эрь шиня ляденц 0,98—1,00 гектар, а суронь урядамста тифтен гектар. Совь примероц арси примеркс илядыксненди. Сембе тя результат сявди, што Бакаев ялгась, кода цебарь агитатор, лац сочетаетсь агитационнай работанц колхозса производственной тевть и велеса йотафневи хозполиткампаниятвень мархта.

М. Тарадаев.

С. Шайговань район.



М. И. КАЛИНИНТИ ТОПОДСЬ 65 КИЗА

Михаил Иванович Калинин—ВКП(б)-нь ЦК-ть Политбюронц членок, СССР-нь Верховнай Советть Президиумонц председателец, фкя инь сире большевик, Советский Союзонь выдающей государственной деятель, Ленинонь и Сталинонь инь маластонь соратниксна.

М. И. Калинин, беднай крестьянинонь цёра, шачсь 1875 кизонь ноябрь 20-це шистонза Тверской губернянь (тяни Калининский областень) Верхний Троица велеса. 14 кизоса сон работась ни Петербурга заработкаса. 1893 кизоста сявомок работась „Старый арсенал“ заводса ученикок, त्याк пингоня якаль вечерняй школав и тонафнесь самообразованияса. 1895 кизоня сявомок, работась токарькс Путиловский заводса и знакомакшни социал-демократический литературать мархта, посещандакшни нелегальной кружокнень и арси Ленинь мархта основандаф „Союз борьбы за освобождение рабочего класса“ рабочей организации фкя инь активнейшай членкс. 1898 кизоть эзда сявомок Калинин ялгась—РСДРП-нь член. 1899 кизонь июльть эзда сон ульсь арестовандаф и 10 коновь тюремнай заключенияда меле паньф Тибилиси ошу. Тяда меле революционной деятельностьютенкса Калинин ялгась аф весть ульсь арестовандаф и ульсь ссылкаса.

Петербургса сон ульсь большевиконь партийань Нарвский районнай комитетти членкс. Участник 1905 кизонь революциять эса. М. И. Калинин сембе пингста йотафнесь большевистский линиять. Революционной од подёмонь кизотнень пингста ульсь большевистский „Правдаса“ сотрудниккс. Великий Октябрьский социалистический революциянь шитнень пингста сон воору-

женнай восстаниянь руководительхнень эзда фкя инь активнайсь.

М. И. Калинин 1919-це кизоня Я. М. Свердловть куломдонза меле, Ленинь предложенианц коряс, ульсь кочкаф ВЦИК-нь председателекс. Выдвигандамок сонь кандидатуранц, Ленин подчеркнул, што М. И. Калинин „цебарьста машты подходить трудящай массань широкай слойхненди“.

Гражданский войнань кизотнень пингста Калинин ялгась аф весть ульсь военной фронттнень эса, макссемок краснай боецненди бодрость и уверенность сянь колга, што рабоче-крестьянский тевсь сясыки. Улемок СССР-нь ЦИК-ть председателем постса (1922-це кизоста сявомок, мзярда тиевсь Советский Союзсь), Калинин ялгась тюри пролетарский диктатурать органонзон кемокстамасон инкса, Ленинско-Сталинский национальшай политикать правильнайста осуществленианц инкса, социализмать победанц инкса. М. И. Калинин—Сталин ялгать фкя инь маластонь ученикоц и соратникоц партийть генеральной линиянц инкса тюремаса, партиять и народть сембе врагонзон и иностраннай разведкань троцкистско-бухаринский, буржуазно-националистский бандатнень каршес тюремаса. М. И. Калинин—коммунизмать инкса непоколебимай борец.

М. И. Калинин СССР-нь Верховнай Советть депутаток. 1938 кизонь январь 17-це шистонза Верховнай Советть васенце Сессиясонза Союзонь Советть и Национальностень Советть марстонь заседаниясост Михаил Иванович Калинин единогласна кочкаф СССР-нь Верховнай Советть Президиумонцты председателекс. Калинин кочкаф депутаткс лама ССР-нь Верховнай Совет.



СНИМКАСА: Канькаса куркснемать коряс Европаты чемпион Альфонкс Берзиншс (Латвия). А. Берзиншс тани служай РККА-нь ряттень эса.
(Фото-клишес ТАСС-ть).

Выставка, конац посвященный Л. Н. Толстой куломдонза меле 30 кизонзонды

Пушкинт лемса республиканский библиотекаса ноябрь 16-це шистонза паньчф художественной выставка, конац посвященный великий русский писатель-реалист Л. Н. Толстой куломдонза меле 30 кизонзонды. Выставкат эса няфтьфть сон инь лучшей произведенияза, кода „Война и мир“, „Анна Каренина“, „Детство, отрочество и юность“, „Воскресенье“, а тяфта жа дневниконза и записной книжка. Тяда башка няфневихть Ленинт Толстой колга высказыванияза, што „Толстой кода русский революцият зеркалац“ и лама лия статьяза.

Оцю интерес мархта посетительхне ваныхть фотовыставкат, кода няфтьф Лев Николаевич Толстойт Яснай Полянаса эрямац и деятельности.

В. Моськин.

Саранск ош.

Л. Н. ТОЛСТОЙ

(30 кизот кулома шистонза савомон)

Лев Николаевич Толстой, кода писатель-реалист, сатни виднай васта аф аныцек русский национальной литератураса, но и мировой литературат эса. Сонь творчества, корхтай Ленин, тись аськолкс инголи сембе человечество художественной развитиясонза. Сон краскафтома сьормадсь сянь колга, мезе ульсь сонь векстонза.

Простой и яснай кяльсь, обрассень поэтичностьна и монументальностьсна, творчеством оцю идейностец—максессть заслуженнай слава сонь произведениязонды. Особенна нят мекольдены качества яркайста няфтьф „Война и мир“ романтонза. Тяс няфтьф русский народт 1812-це кизонза Наполеонт каршес героический тюремац. Толстой няфтезе, конашкава оцю вийц ся народт, конац пёфтема кельксы эсь родинанц. Наполеонт, конац писательхнень и поэтихнень ширде ульсь сьормакшинеф и мораф кода „киндияге аф сяськови герой“, Толстой противопоставил тейнза героический русский народт и сонь славнай полководец Кутузовт. Сон няфтезе, што мекольцетне ламода

Тонафтомс сембе неграмотнайхнень и малограмотнайхнень

Ноябрь 16—17-це шинзон эзда Мордовский республикан Наркомпрос Саранск ошса йотафтсь народнай образования работнихнень мархта республиканский совещания.

Совещанияса ванфт взрослай населения йотка неграмотность и малограмотность машфтоманц, райоттень эса всеобучт молеманц и политпросветучрежденияхнень работаснон колга кизефксне.

Докладста и выступленияхнень эзда няеви, што минь республиканьке тя тевса сатсь кой-кодама сатфкт. Мекольдены кафкса кизотнень пингста тонафть грамотас 185 тейнхнень неграмотнай и 212 тейнхнень малограмотнай.

Республикаса ули 17 веле, кода аш фкявок неграмотнай и малограмотнай ломань. Республикаса райоттень эзда сембода цебярста неграмотность и малограмотность машфтомаса тевс ащесь йотай тонафнема кизот эзда Атяшевский, Иясарский райоттень эса. Докладчикс Подгорнов ялгась азондсь цебяр работань лама примерхт. Лавровская учительница Сабаевский средней школы (Кочкуровский район) ётай тонафнема кизот эзда тонафть 30 неграмотнай и тя пингс примоси активнай участия тя тевса. Цебярста работай неграмотность и малограмотность машфтомаса Коровина учительница—орденоносец (Саранский район).

Но таконь шовор эряви азомс, што неграмотность и малограмотность машфтомаса работас республикаса ащесь кальдывста и тянинг ащесь цебяргод. Ширингушский районца ётай тонафнема кизот 2.021 неграмотнай эзда тонафть аныцек 160 ломань. Торбевский районца 3 тейнхнень неграмотнай эзда тонафть аныцек 266 ломань. Тяфта жа ащи тевсь лия райоттень эсовок.

Кой-кона районга неграмотнайхнень и малограмотнайхнень тонафнема платнай работнихне ра-

ботайхть кальдывста. Тяфта Ладский районца 6 платнай работнихне ётай тонафнема кизот фкявок неграмотнай ащесь нолда грамотнайкс.

Тяддень тонафнема кизот ламоц райоттень эса неграмотнайхнень и малограмотнайхнень тонафнема, кода эряви, апак ушетт. Ардатовский районца 2,5 тейнхнень неграмотнай эзда тонафнихть аныцек 604 ломань.

18 районца уликс сведенияхнень коряс фатяф тонафнема аныцек 10 тейнхнень 676 ломань. Козловский районца 2-шка тейнхнень неграмотнай эзда тонафнихть аныцек 492 ломань.

Ня фактне корхтайхть сянь колга, што ламоц райоттень и велетнень эса руководителхне аф серьёзнайста работайхть тя тевса.

Тяниень пингт эрявихть примамс сембе мератне сянь инкса, штоба ушедомс неграмотнайхнень и малограмотнайхнень мархта тонафнема. Тя тевти таргамс учительхнень, старшай классонь ученихнень и сембе активт, максемс тейс методический лезкс. Тя работати таргамс политпросветучрежденияхне: клупне, изба-читальняхне, краснай уголокне.

МАССР-нь Наркомпрос и РОНО-тне должетт обеспечидамс взрослоень тонафнема пунктнень учебника, тетрадьса, а райисполкомтне и сельисполкомтне—цебяр помещенияса, освещенияса и уштомат пяльса.

Комсомольский организацияхнень почетнай задачасна—примамс активнай участие неграмотность и малограмотность машфтомаса, республикат сплошной грамотность республикакс тиёмаса.

Совещаниясь примась практический мероприятия сембе ванондф кизефкснень коряс.

А. Дуйков.



СНИМКАСА: Матиас Ракоши—венгерский рабочий движения выдающийся деятель, ащесь заключения 15 киза и освобожден СССР-нь правительстват и венгерский правительстват ёткас переговорыхнень коряс.

Фотос ТАСС-ть.

СТАХАНОВСКИЙ РАБОТАНЬ ПРИМЕРХТ

Рузаевка ошнь жилищно-ремонтнай конторань рабочахне активна пашкодезь производственной программаснон. Конторат видеса 183 рабочай, конатнень эзда 123 стахановец и ударник. Башка рабочахне-стахановецне Куренков, Ключков, Архипов, Митяев и лама лия работань нормаснон эрь шиня пашкоткшнесазь 213—330 процнтс.


Сембе тя корхтай сянь колга, што героический советский народти работань норматнень эса аш предел. Синь эсь родинаснон слава анокт тиёмс стама трудовой подвижт, кодапт нинге ащесь няенде фкявок „капиталистический страна“.

Антонов.

Рузаевка ош.

превосходят Наполеонь и военнай тевсонга.

Пяк правдивайста Толстой изображает ся пингонь действительность „Анна Каренина“ романца. Тя нагляднайста няфтьф, кода по-



мещичья хозяйствась приспособляется капитализмат, кодама отношения эряхть крестьянтне помещикнень мархта. Толстой осуждает дворянский средат, конац пашкес васькафнемада и фальшада. Анна Каренина—„прекраснай ава“ но вынужденнай ульсь шавомс эсь прияц аныцек сяс, месь тась стане, кодапт ульсь чувстванза, конань мархта нарушанда-

зень дворянский обществом традичияхнень.

Толстой няфтезе тянь вельде эксплуататорский общества личность и ломань чувстванзон лангса пёфтема насилият.

Толстой ульсь марнек крестьянстват ширеса. „Воскресеньят“ эса Толстой няфни крестьянтнень эряфснон реформада меле. Печальной и трагичнай „освобожденнай“ крестьянстват эряфок: „кшись аф сатни нльне рштувас, народсь кулси вачеда и тонадсь ни тя кулсемати, модась, кона сяськава эряви ломаттнеди,—сьормады Толстой, а сон аф сатни. Ломатне кулсхть модафтома, обрабатывається сон крайностьс пачфтьф ломаттнень мархта, а сонь лангстонза получаф кшить мишенцаз иля мастору, а модат кирдиенза рамсхть лангстонза эстейст шляпат, коляскат, бронзат и стак тов.“

Ленин сьормадсь, што Толстой валонзон мархта корхтась ся много-миллионнай русский народсь, конац афольхцень няй ни ся пингонь эряфть хозяйнонзон, но конац нинге ащесь пачкодсь каршезонза непримиримай, последовательнай тюремат. Толстой Ленин лувозе „русский революциянь зеркалакс“.

Толстой лац содазень народнай бедствияхнень причинатнень. Но кос-

та йорай няфтемс ки синь эздост лисемати, то тиенць оцю эльбяткс. Сон отрицает кяжть каршес насильственной тюремат. Ленин отмечает сонь тя лафча ширенц.

Однака, нят взглятнень неправильностьсна и вредностьсна аф кирьфнесазь Толстойнь художественнай произведениязон колосальной ценностьснон. Эряфть правдивайста няфтемац и сонь произведениязон эса непревзойденнай художественнай мастерствась макссть Толстойнди заслуженнай, мировой слава.

Великий пролетарский писатель А. М. Горький тяфтама оценка макссь Л. Н. Толстойти:

„...Толстой поэт, аф Пушкинда кальдыв, умнай, кода Герцен—Толстой, тя целай мир. Ломанць глубока правдивай, сон нинге сяс питни тейнек, што сембе сонь художественнай произведенияза, конац сьормафть страшнай, питай чудеснай вийса,—сембе сонь романонза и повестенза,—марнек отрицают сонь религиознай философиянц“.

Йотась 30 киза, кода кулось Толстой, но сонь произведенияза тяниенге оцю мяльса лувондовихть сембе мирса.

КОМСОМОЛЬСКИЙ ЭРЯФСЬ

Тонафнесазь ВЛКСМ-нь ЦК-ть инструкциянц

Первичнай комсомольский организациятнень инь ламоснон эса ушедсть ни комсомольский собрания, коса тонафнесазь „ВЛКСМ-нь членонь и кандидатонь учеть колга ВЛКСМ-нь ЦК-ть инструкциянц“. Комсомолецне примосихть активнай участия инструкциять обсуждения.

Вов Ардатовский средний школань закрытай комсомольский собрания 50 комсомолець эзда 17 корхтасть пренияса инструкциять коряс. Синь эсь выступлениясост марнек одобряют инструкция и корхтайхть, што сон лезды комсомольский организациятнень марнек машфтомс комсомольский хозяйстваса хаость, лезды комсомольский организациятнень организационна кемокстамаснонды.

Тяфтама собрания йотафтф и Саранск ошса пенькокомбинатонь комсомольский организацияса. Собранияда ингольдень проверка и собранияса ялгатнень выступлениясна няфтез, што комсомольский комитетть секретарец Учайкин ялгась сяшкава калдявста ладязе учетть организацияса, што нльне афи содасыне мзяра комсомолецта. Сонь учетнай даннай-

зон коряс организацияса лувондови 130 комсомолец, а фактически тоса аньдек 90. Тядя башка учетонь книгасть тьса сёрматкшневи аф брежневиста, аф сембе графатне заполняндакшневи. Учетс примамста аф сёрматкшнесазь коста сась, учетста валхтомста аф сёрматкшнесазь, коза тусь комсомолецсь. Тяфтама положеннясь вяти сянди, што секретарсь йофси аф кармай содамонза организациять эряфонц.

Собраниятне няфнихть нингестама факт, што башка ялгатне, снимандамок фкя организацияста учетста, лама пинге аф архихть учетс лия организацияса. Тяфта, например, комсомолкась Володина ялгась (Сире Шайговань район) колма кофт каннезе мархтонза учетнай карточканц и ашезь арсе козонга учетс.

Комсомольский активть задаца ащи сянь эса, штоба лездомс комсомольский организациятнень собраниянь анокламаса и лихтемс лавгс сембе аф сатыкснень.

А. Пятунин,

ВЛКСМ-нь обкомть инструктор роц.

РАЙКОМСЬ И СОНЬ АКТИВОЦ

Лама ульсь нинге ВЛКСМ-нь ЦК-ть XI-це пленумдонза инголе корхтаф 3-Полянский районца активть работанц колга, но существеннай сатфкст апак саттольхть. Активсь пяк калдявста тарксевсь комсомольский работати, яльне райкомть пленумонь членонзонды кизоти 1—2 порученияда лама апак макссеколь. ВЛКСМ-нь ЦК-ть XI-це пленумонц комсомольский активть комсомольский работас таргаманц и сонь мархтонза работат колга решениянза ламода полатфозь тя областсьа минь работаньконь.

ВЛКСМ-нь райкомсь работать перестройканц колга работанц ушедозе активть изучениянц и комсомольский организациять работазонза таргаманц эзда.

Разумеется, апак ётак вакса и сонь тонафтомаца. Тянка ВЛКСМ-нь райкомсь ётафтсь первичнай комсомольский организациянь секретарьхнень и райкомонь пленумонь члётнень мархта инструкциян совещания, коса ознакомили синь многограннай комсомольский работать мархта. Тяка жа кизефкснень колга йотафнетяма и кустовой совещаниятка, коса башка активист азонкшнихть эсь работань опытсон. Сидеста терьнесась активть райкомонь бюроть заседаниянзонды.

Тяфтама работать результатонза няевихть работань сембе областнень эса. Тяни райкомть пленумонь эрь членонцы макссетяма порученият анокламс кизефкст бюрос, кемокснетяма тейст определенной первичнай комсомольский организацият, конатненьди синь макссхть повседневнай лезкс работаса. Вов ВЛКСМ-нь райкомть пленумонь членонц Семенова ялгась кемокстаф Дубительский кустти. Сон сидеста эряй первичнай комсомольский организациятнень эса, корхнекшни комсомолецнень мархта. Тя кустсь пяк фталу иляткшнесь членский взносна пандомаснон коряс. Тяни Семенова ялгась лихтезе сонь районца васенце вастти. Тяфта жа работай Од Выселкань кустса Тазин ялгась. Сон районца васенцесь ётафтозе членский взносонь пандомаса повторнай проверкат. И тяни ВЛКСМ-нь рай-

комсь тейнза поручил первичнай организациятнень эса проработать ВЛКСМ-нь членонь и кандидатонь учетт колга ВЛКСМ-нь ЦК-ть инструкциянц. Между прочим, нят ялгатне инголе вестенге ашест пашкотькшне комсомольский порученият.

Комсомольский работас таргафт станежа кизос коря инь од комсомолецт. Кепотьксонди сявсаськ Потьмань средний школаста комсомольский организациять секретаренц Шпикина и Уметский НСШ-ста комсомольский организациянь секретарть Ларькина ялгатнень. Тейст сембоц кемготуовнь киза, но школаса синь инь авторитетнай учащайхне. Тя, васендакиге, сяс, што синь тонафнихть аньдек отличниста, а омбоцесь—лама мяль шарфнихть комсомольский работати. Синь ламода касфтозь комсомольский организациять лувксонц, цебярьгофтозь пионерский работать.

Ламода цебярьгодсь работась и колхознай комсомольский организациятнень эсонга. Первичнай комсомольский организацияса, коса секретарькс работай Каблов ялгась марнек лувондови 17 комсомолец. Тьса ноябрь 3-це шистонза комсомолецне тиендсть воскресник. Аделазь тиемда 1 № бригадаты коннай дворонц, утеплили сембе скотнай дворхнень и кярьмодсть ферматненьди кормань ускома.

Тяфтама факта районца пяк лама. Сембе синь корхтайхть сянь колга, што первичнай комсомольский организациятне кярьмодсть перестраивать эсь работаснон.

Аф кржа комсомольский активистоньке тийсть пропагандань и агитациянь областсонга. Тяфта, например, В. И. Ленинь РКСМ-нь III-це с'ездса реченц тонафнезь сембе первичнай комсомольский организациятнень эса. СССР-нь Верховнай Советть Указонза тонафневихть сембе первичнай организациятнень эса. Сембонь тянь вельде ламода кеподсь комсомолецнень политический уровеньна и деловой квалификациясна. Йофси маштсть прогудхне комсомолецнень ётка.

КОНДРАТЬЕВ,

ВЛКСМ-нь 3-Полянский райкомть секретарец.



СНИМКАСА: М. И. Калининть дом-музейц Верхняя Тронца велеса (Кашинский р-н, Калининский область), конань эса эрясь М. И. Калинин.
Фотось Н. Чамовть (ТАСС).

Родинаць патриотоц

Рахов Викторсь ашесь самолетонц пацянц ала и лувсь од газета.

— Од кулятнень кулийть?—кизефтезе вакссонза ащи лейтенантьс.

— Кодама кулят? — Мезевон ашесь куль.

— Вракне нарушандазь границаньконь.

— Ну! Ина азонт, азонт коса тяфта?..

Лейтенантьс азондозень новостнень.

— Минь макстама тейст границань нарушандама, ивадсь Раховсь и сонць кевордазь щаце кажанканц и тусь штабу..

Сон ушедсь хлопочама, штоба сяда курок кучелезь бойс.

И вов согласия получаф. Павазонцы ашель певок.

— Вов тяни няфтсьа вакрененди эсь виезень, пейдембачк пшкядсь Раховсь ялгавзонды и меки тусь аэродрому.

Вов ни шаронды якстерь паце „ястребоконц“ перьфке. Техникне волдазь моторть. Эрязста озась Раховсь кабинав. Тя лингста жи-волгодсь сембе аэродромсь, сембе

ширде тактнайста тотназевсть самолетонь моторхне.

Раховсь — высшай пилотажень мастер. Сонь фигуранзон лангс дивандакшнесть сембе.

Вов ни синь менельсот... Колмонь-колмонь якстерь нармоттне лиихть востокть шири. Аф ичкозе ни фронтсь. Маластонь аэродромти эряви озамс, а тоса... боевой приказ и бойс.

Шобдавась мани. Варманьс саворне шерфтезень пиже тише приятнень. Летчикне учсть самолетснон ваксса.

Кулевсь тревогань сигналсь. Курокста торазевсть моторхне и истребительнень звенатне фкя-фкянь мельге кеподсть вяр-вяри менельти. Кафике ширева и великост уихть туцятне. Туцясь сядонга мази сянь мархта, што сон вюрьги, бта ёрай сязевомс...

Йотазь границать. Лиихть вражеский аэродромть шири. Вов ни аэродромсь. Эздонза кеподсь несколько истребитель. Ушедсь ою воздушнай бойсь. Вражеский самолетне фкя-фкянь крвзякшнесть советский летчикнень меткай выставсон эзда и равжа качам пак-

шекс прашендсть модать лангс.

Тюрема ёткова Раховсь приметазе, што фкя самолетть фюзеляженц лангс лия цветонь полосат.

— Тя вакренень командирсна,—арьсесь эсь потмованза. Сейчас пезфтаса сонь модати...

Йондолкс шарфтозе „ястребоконц“ и тихтедсь вражеский командирть самолетонц фтала. Ушедсь ёткост бойсь. Врагсь тиендсь хитрайста, наступал шить ширде, штоба советский летчиксь афолезе примета. Вов ни сон Раховть самолетонц фтала. Но Раховсь содазе врагть тактиканц и эрязста кеподсь вяр.

— Кие кинь?—эсь потмованза пшкядсь Раховсь и волдазе врагть малазонза, кона кармась фталда атаковать сонь.

Врагсь макссь очередь. Раховсь кругаста шарфтозе самолетонц и тихтедсь врагть самолетонц пулапес. Вражеский командирсь эводсь и ушедсь ворягодема.

— Ковонга аф туят эздон,—увереннайста пшкядсь эсь потмованза Викторсь и эстакиге сатозе вражеский командирть. Ушедсь карусельсь... Фкя-фкя мельга кармась панцеме сенем менельть келес. Афи лоткси пулеметста ляценде-

мась. Врагсь волдазь очередь Раховть лангс и кармась прама алу, тиемок прят, бта ранендаф. Врагсь шарфтозе самолетонц и ёрась тумс. Тя ёткова Раховсь лифтезе пупорста „ястребоконц“ и ёндолаца вишкста куусь вяр и тихтедь вражеский самолетть пулос. Люпштазе гашеткать и макссь очередь. Вражеский самолетсь васень очередть эздакивок шарфтозень вяр шарьензон и кармась пильдезь валгома алу и толонь стрелакс пезсь модати.

Раховсь кармась лездома ялганзонды, конат тапасть несколько вражеский самолет. Врагть илядыкс летчиконза ушедсть ворягодема. Тейст ашезь кирдез советский летчикнень сокрушительнай натисксна. Тя пингти самс пашкодезе задачанц летчиконь омбоце группаське. Врьгатеом бурякс аэродромть лангс, крвастсть врагонь комозышка самолет.

Тяфта советский летчикне ара-лакшнесазь свободнай советский народть павазу эряфонц, тяфта аралакшнесазь Великой Октябрьский социалистический революциять завоеваниянзон.

А. Дуйков.

Инь цебарьхне призванайхть училищав

Ковылкина. (Соб. кор.). Няйтнень эзда аделазе эсь работань ремесленной и железнодорожной училищатненди од ломаттнень призывсон коряс комиссиясь.

Эряви отметить, што районца призывонь шитне йотасть пяк оживленнайста. Счастливай од ломаттне призыву састь радостнайста. Синь цебарьста шарькодсаз, што аныцек советский страна государствась тышкава заботендай од ломаттнень будущностьсоя колга, конац синь тонафне-

маснонды ноляй огромный средстват.

Призывной пункта од ломаттнень эзда кажнайть мялец ульсфкя—улемс ремесленной или железнодорожной училищань учащайкс, а тоса цебарь квалификацийн рабочайкс.

Райононь од ломаттнень ёткста ремесленной и железнодорожной училищатненди призванай 30 лучшей од ломань, конат аф кирдемшка учихть отправкань шить эса.

А. Абакумова.

Будущай железнодорожник

Мзярда содаине, што моли ремесленной, железнодорожной училищатненди и фабрично-заводской обучениань школатненди призыв, эстакиге сёрмадонь заявления, кося аныцек примамс монь железнодорожной училищав тонафнема.

Мон пяк кенярдень, мзярда комиссиясь примамань монь железнодорожной училищав. Да, кода аф кенярдемс, вдь мон получаю пътевка будущай железнодорожники. Тя пътевка мархта мон смелста молян эряфти, кода ломань, конанц замечательнай квалификацияц.

Улян паровозонь ремонтть коряс токарь. Монь алязе сиредемозонза арьсесь получамс кодама-кодама квалификация, но оязоронь властть пингста тя квалификациясь ашезь получаю. И аныцек тани, Советский властть пингста, получаю плотниковь квалификация. А тейнек паньчф кели ки счастливый и радостный эряфти. Спасибо тынка сянди, кие максозе тейнек тыфтама эряфть, сянди, кие алякс заботай минь колганок,—Сталин ялгати.

Б. Иполитов.

Странасонк эрь специальностьс почетнай

Призывной комиссиясь примамань монь ремесленной училищав. Аф мушендан валхт, штоба сёрмадомс ся радостть, конац фатызе монь седизень, мзярда комиссиясь председателсь азозе монь примамазень колга комиссиять заключенийнц.

Мзярда монь кизефтемаз, а мезькс жа мон йоран улемс школат аделамда меле? Токарькс, или слесарькс? Миньцонк эрь специальностьс почетнай, отвечань мон тейст. Улян токарькс, надиан, што и тя тевсонга честь мархта оправдансда тейне оказаный довериять. Тя довериять каршес ответонди,—карман тонафнема аныцек цебарьста и отличнайста.

Авчинников.



СНИМКАСА: Виктор Герасимов. Сын примаф Рузаевский железнодорожной училищав тонафнема.

Фотось Касперть

Комсомолецне ширесот агитационнай работать эзда

Успехне, конатнень сатозень минь социалистический родинаньке, аф йомлат. Синь колгаст эряви настойчивайста азонкшнемс трудящайхненди, а тя тевсь эрь комсомолец-агитаторти ащи почетнай долгос.

Аф ваномок тынь лангс Лобаски велень (Ичалковский район) комсомольский организацияне тя почетнай долгть аф пшкотькшнесазь. Синь нльне имафтозь агитаторсон. Илякс мярьгомс, тя велеса агитационно-массовой работась лувондови работань йордаф участкакс, тья аш фкявок агитатор.

Кизефневи, можна ли проста, толкова, конкретнай примерса и фактса азондомс колхозникненди эсь колхозсон, районцон сатфксонзон и стахановецнень работасон колга? Ответсь фкя—можно, иба тынди велеса улихть сембе возможностьне. Тьяса колхознай и школьной комсомольский организациянень эса сембоц лувондови 64 комсомолец, велеса улихть учи-

тельхть и ля интеллигентт.

Кода няеви, культурнай вийда велеса аф кржа, но сембе бедась сян эса, што комсомольский организацияне и синь секретарьсна Планкин и Горбунов ялгатне тя огромный армиять йоткста аф мушендыхть ломатть, конат ба вятелезь агитационнай работать, мярьгат бта синь ёткост аш способнай, идейно-политически грамотнай ялгат.

Велеса аш изба-читальнявок, но тынь лангс комсомольский организацияне ваныхть равнодушнайста.

Эряфсь эрь шине путни од зачат, конатнень разрешенияса комсомолецне должетт примосемс активнай участия, а аф аерткшнемс синь эздост, кода тынь тиезь Лобаски велень комсомолецне. Партиясь тонафтсамаз, штоба минь эрь пиня касфнелинекс эсь идейно-политический знанияйконь и сонь ёфси аф явфнемс практический задачатнень эзда.

С. Грошев.

Отличник ученик

Каньгужень средний школань 7-це классонь ученикс Пиксайкин Дмитрийсь тонафнема кизоть ушedomстонакиге пяк прилежайста ушедсь тонафнема. Тынь вельдесон сатсь 1-це четверть пингста 11 предметс коря отличнай и 3—цебарь оценкат.


Эряви азомс, што тя школаса аф калдывста тонафни Икомасов Алексейське, кона тыфтажа лувондови примернай ученикокс и 1-це четвертьста получаю отличнай отметкада 10, а илядыхне сембе цебарьхть.

Ня кафта ялгатне ашихть кеме дисциплинированностьне примеркс тонафнемаса и ульцяс ялга йоткса.

Каньгужень средний школань иляды ученикненди эряви сявомс пример ня кафта ялгатнень эзда.

Д. Ефимкин.

Ельниковский район.



Мордовский Государственный издательствась 1940 к. нолдазе мокшень калыса Сталинонь „Вопросы ленинизма“ книганц.

Фотось А. Канифатьевть.

Англо-германский войнас

Германский информационный бюрось азондозе, што ноябрь 17-це и 18-це шистонза веть и шить германский авиациясь мольфтсь налетт Англиять лангс. Ноябрь 17-це шинц карша веть успешна бомбардировандаф Лондонц и Южная и Центральная Англиясь военной значениань объектне. Ноябрь 17-це шистонза шить и 18-це шинц карша веть германский самолетне бомбардировандаз Лондонда башка Ливерпульть и Саутгемптонть.

„Гамбургер френденблат“ германский газетась сёрмады, што ноябрь 15-це шинц карша веть Гамбургть лангс английский авиациять валетоц ульс инь оцюкс войнат ушedomстоназ сявомок.

Ульс ёрдаф лама фугаснай и зажигательнай бомба. Гражданский населениань ёткса лувондови лама шавфта и лама стакаста и теждаста ранендафта.

Авиациянь английский министрствать сведениязон коряс, ноябрь 17-це шинц карша веть английский самолетне тага тисть налет Гамбургса военной объектнень лангс. Бомбардировкась мольсь несколько част. Лама тонна бомба ульс ёрдаф товарнай станциять, нефтеочистительнай заводтнень, судостроительнай верфнень лангс и стак тов.

Ноябрь 18-це шинц карша веть английский авиациясь бомбардировандась лама объект Рурская областсь. (ТАСС).

Чиано васедсь Гитлерь мархта

Кода азондозе германский информационный бюрось, Италиянь иностраннай тевонь министр Чиано ноябрь 18-це шистонзась Берхтеснадець маласа ащи Гитлерь резиденциязонза. Сяка жа шиня Гитлерь беседовандась Чианоть мархта. (ТАСС).

Греческий фронтса военнай действияне

Греческий верховнай командованиясь сводкаса корхтави оцю бойхнень колга, конат мольсть сембе фронтнень эса. Фатяфт од пленнайхть. „Этнос“ греческий газетась сёрмады, што греческий армиясь 4 вастова сязезе итальянский фронтть. Заяфь стратегический пункт Корчать (Корицать) эзда север и юг ширеса. Корчать контролировандакшнесазь греческий войскане. Пивд пантнень районца греческий армиясь занязе палес срафтф Коница ошть. Севернай фронтса итальянский войскане потасть Эльбасан ошть районца ащи омбоце укрепленнай линияснонды.

Юнайтед Пресс американский агентствась азондозе, што греческий войскане теснадаз Грецияста мекольдён итальянский часттнень. Тани грекне молихть албанский территориять эзга.

Греческий войскане машфтсь итальянский отряд, кона ашесь 130 броневикиста и танкста. Кода няеви, тя отрядсь тяряфнесь кышшемс Югославиять территорияс. Итальянский бомбардировщикне лездыхть итальянский часттнень потамаснонды, однака синь действиясна затрудневай калдыв погодать сюнеда. Фронтть прибрежной секторсонза итальянеце потайхть, ёрмокс орудиясон и грузовиксон. (ТАСС).

Ответ. редакторсь И. ЧУДАЙКИН.

Агит-массовой работась юктаф

Паева велеса избирательнай кампаниять йотафтомста ульс пуроптф аф калдыв агитколлектив, кона кочкама пингти анокламаса систематически йотафнесь избирательхнень йоткса политмассовой и международной темас лама беседат. Но тыниень пингть тя агитколлективсь срадсь и агитмассовой работась катф эсь отям молемати.

Эряви азомс, што тя работась инкса ответственность ащи комсомольский организациять лангса, но первичнай комсомольский организациянь секретарсь Келин ялгась агитработать эрекляфтоманц колга мезевок аф думандай. Тынь сюнеда „Виде ки“ колхозса улихть оцю афсатыкст государствати модамарень. И налог пандомаса.

Келин ялгати тя тевсь эряви организовандамс и ладямс систематический агитмассовой работа колхозникнень йоткса.

Лобанов.

Кадошкинский район.